

Persidangan platform tonjol kreativiti

BUKIT MERTA JAM - Pembentangan penyelidikan yang dilaksanakan staf Institusi Pengajian Tinggi Awam (IPTA) mampu menjadi pemangkin ke arah transformasi politeknik dan pengukuhan kolej komuniti.

Pengarah Politeknik Seberang Perai (PSP), Zulkifli Ariffin berkata, persidangan penyelidikan yang berlangsung membantu membudayakan penyelidikan di kalangan pensyarah.

"Persidangan yang dijalankan buat kali kedua berturut-turut ini berdasarkan saranan Jabatan Pengajian Politeknik, sekali gus memenuhi Plan Transformasi Politeknik melalui jalinan antara IPTA dan IPTS menerusi kerjasama pintar.

"Ianya dapat menggalakkan perkongsian ilmu dan teknologi yang relevan dalam kalangan pensyarah poli-

“Persidangan yang dijalankan buat kali kedua berturut-turut ini berdasarkan saranan Jabatan Pengajian Politeknik, sekali gus memenuhi Plan Transformasi Politeknik melalui jalinan antara IPTA dan IPTS menerusi kerjasama pintar.”

Zulkifli

teknik," katanya.

Beliau berkata demikian ketika menghadiri Persidangan Penyelidikan dan Inovasi (PePIN2013) di PSP, semalam.

Persidangan yang bermula 5 Julai lalu dan berakhir hari ini dirasmikan Timbalan Ketua Pengarah (Strategik), Jabatan Pengajian Politeknik, Shabudin Man.

Zulkifli berkata, sebanyak 72 kertas penyelidikan dibentangkan menerusi persidangan yang terbahagi kepada empat kategori.

"Bertemakan Penyelidikan dan Inovasi Melestarikan Pengajian Tinggi Negara, pembentangan ini dapat menggalakkan penghasilan penulisan ilmiah dalam kalangan staf akademik.

"Ianya dapat menjadi platform untuk mengembangkan kreativiti tenaga pengajar melalui kemahiran berfikir secara analitikal dan kritikal.

"Justeru, diharapkan peserta menggunakan peluang sebaiknya untuk menonjolkan kemampuan dan kreativiti masing-masing," katanya.



Shabudin (kanan) menyampaikan cenderahati kepada wakil yang terlibat selepas perasmian PePIN 2013 di Politeknik Seberang Perai, semalam.